

Relaciona cu proteccion di nos flora y fauna

84 científico preocupa ta manda un carta pa gobierno di Aruba

ORANJESTAD - Científiconan conservacion di diferente parti di mundo cu a traha riba temanan cu ta integra e obhetivonan pa pone un balans den biodiversidad, ta manda un carta di preocupacion dirigi na gobierno di Aruba relaciona cu proteccion di nos naturalesa.

Ta pone enfasis riba e cayanan na San Nicolas unda ta broei parhanan marino cual ta importante pa conservacion di biodiversidad di henter e planeta.

E carta ta dirigi na Prome Minister di Aruba, Consejo di Minister, Presidente di Parlamento como tambe miembronan di Parlamento di Aruba y Gobernador di Aruba. E científiconan conservacion alí ta traha riba e necesidadnan ecológico cu tur persona ta rekeri; manera aire limpi, awa limpi, seguridad y cuminda saludabel cu tin prosperidad y sostenibilidad duradero.

Recientemente gobierno di Aruba a haci un adelanto den mehoracion di e componente di fuente di energia duradero den e cartera di energia di Aruba. Esaki a wordo haci pa un maneho di residuonan municipal, desecho residual y reservanan di awa, den e forma cu ta fomenta e hotelnan y otro parti di e sector turistico. Naturalmente den nan propio adopcion di tecnologia responsabel y sostenibel cu nan miho practica, cual segun e científiconan esaki ta algo di admira.

Sin embargo, un obhetivo critico cu semper tabata e



parti centrico di e sostenibilidad berdadero ta e mantencion continuo di biodiversidad. Esaki ta encera e proteccion di e flora y fauna local original riba e nivelnan cu ta garantiza un probabilidad halto di sobrevivencia



riba largo plaso. E bestia y matanan nativo di un region ta finalmente un parti di e herencia historico natural di un lugu. E prome generacion di Arubiano, tanto indjan y despues di e otro culturanan a confia den naturalesa, asina e científiconan ta bisa.

Reconocemento mundial
E perdida y deterioro di diferente mata y bestia ta sirbi como indicado di e cambionan negativo den e medio ambiente, nan ta splica. Esaki ta señala impacto cu finalmente lo afecta tambe e poblacion

humano segun observacion di e científiconan. Un di e caracteristicanan di biodiversidad incomparable y mas importante globalmente di Aruba ta e cayanan. E cayanan ta e lugu di broei pa e parhanan marino dilanti di e costa na

San Nicolas. Nan ta provee te cu dies diferente especie di parha marino tropical, mes tanto cu 10.000 par di neishi.


Esaki ta un di e poblacionnan reproductor mas diverso y congestion pa e parhanan aki den region di e parti sur di Caribe anto realmente esun mas significativo di e islanan cual tabata forma Antia Hulandes.

Pa e motibo aki, e islanan a haya reconocemento mundialmente pa "Bird Life International" como areanan

oficialmente importante pa parha y nan importancia ta bon documenta den varios publicacionnan. Parhanan marino no por broei si e cayanan ta wordo utiliza pa hende of si tin disturbio den e awanan cerca di nan. E cien-

rino ta broei na San Nicolas, ta sugeri tres accion inicial necesario:

1. Declara e cinco cayanan na San Nicolas oficialmente como arenan protegi riba nivel nacional, cu lo no ta ac-



tíficonan ta enfatisa cu: "Sin un esfuerso serio di parti di gobierno di Aruba pa gestion y minimalisa e entrada di hende, segura e tranquilidad di e cayanan (cu ta neishi pa parha marino) Aruba seguramente lo perde un di su caracteristicanan natural unico y mas importante."

Tres punto di accion

Pa Aruba sigui haya reconocimiento, manera ta e caso, pa su practicanan di sostenibilidad innovativo na nivel mundial, gobierno di Aruba tin cu adopta anto insisti den un plan serio. Esaki segun e carta di e científiconan: "mester ta un plan conhuntamente regla pa reconoce e caracteristicanan crucial di diversidad biologico pa haya maneranan creativo pa proteha nan pa semper." Den caso di e cayanan, unda e parhanan ma-

cesibel pa ningun forma di desaroyo humano.

2.Cera e awanan rond di e cayanan pa tur forma di uzo humano, excepto pa investigacion y pa monitor durante e temporada di broei den lente-zomer, na un distancia grandi cu por segura cu no ta stroba e parhanan cu ta broei.

3.Dispone di un presupuesto pa contrata y ta ekipa cu boto y otro ekipo riba un base anual.

Ideal lo ta cuater (si no dos) cuidado di cay (bao auspicio di Parke Nacional Arikok) pa cuida e cayanan contra intruso y disturbio humano cu autoridad di duna boet. Habitantenan tambe por yuda monitor y yuda den e investigacion di e parhanan segun cu ta necesario of desea.